



更起周卜祝聖年之選永克廣充齋車軌混於普天正朔豐於率土贊大道威神之德助皇朝惠育之恩洪福玄休浩浩無極矣

太上洞淵神呪經卷之一

摭魔品

道言五昔在三天之上為諸男女說無量經教化一切時有下方世界真人蔚明羅等諸天大眾四十九萬人到于三天之上聽說無

量太經內外安穩明羅等發心更起三禮太上問訊天尊教化難乎弟子等區區以展下情太上曰子從閻浮來乎明羅等曰然太上曰世間之人詎有遵道奉經學仙者否明羅等曰世人積惡不信道法但聞有哭尸之音不聞有仙歌之響人民垢濁三洞壅塞百六之災刀兵疫疾魔王縱毒殺害良善門凶棄哀齋相尋衆生相殘自作苦惱相牽而死懷愚受苦了不知出此等之人將何度之太上聞明羅等說此語已乃告諸天人曰衆生何念不知道法不知其受自共作惡更相誹謗三洞流布不知受持亦如盲人遊乎日月日月豈不明也盲人不見法師宣化愚人不悟太上將天人玉女八千萬億人來下救之過幸玉京玉京山上有一桃樹樹高三百九

億萬里東枝覆東方南枝蓋南國西枝陰西方北枝蓋北國四十九億萬年一花八十億萬年結一子子熟大如車輪人一食之三年無飢也鬼見此桃樹則自死矣天人各各持此桃木下以殺疫鬼一切衆殫焉

道言自辛巳壬午年鬼兵縱決魔王行毒毒病生民我今遣四十九億禁官攝三十六天魔王來下共摭曰自今以去若國土之人枉死急病刑獄囚徒者悉是魔王等不攝下鬼使賊害種民也自今以往太上金口所勅若有不禁者令國土之人遭其疫癘刀兵困苦刑獄囚徒死亡不以理者斯是魔王先坐不禁下鬼故斬之不忍也太上乃遣十方主者四十九萬人天女大梵王三千萬人布行召三十六天一切魔王及小鬼王等八十億萬玉妻子眷屬悉共惡摭去女麻姑王妃三千六萬人悉同來為太上勅魔王魔王悉伏各各遣魔子力士巡行國界擁護國中之人恐太上誅之九天梵子及天人大魔王王及夫人綠女悉三禮奉太上教矣